

-UPRAVNI ODBOR-

Broj: 02-15-2/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu, sa pratećim izmjenama i dopunama, člana 37. stav (2) Poslovnika o radu Upravnog odbora Univerziteta u Sarajevu, u vezi sa Molbom agencije *Ideas Business Lab d.o.o.* za organizaciju Garden of Dreams Festivala u okviru Kampusa Univerziteta u Sarajevu evidentiranom pod brojem 0101-3975/23 od 13. 04. 2023. godine i Molbom rektora Univerziteta u Sarajevu broj: 0101-4668/23 od 03. 05. 2023. godine, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, donio *s l j e d e ć i*

Z A K L J U Č A K

1. Daje se **saglasnost** za održavanje *Garden of Dreams Festivala* u okviru vanjskog kruga Kampusa Univerziteta u Sarajevu.
2. Zadužuje se Univerzitet u Sarajevu da sa Agencijom *Ideas Business Lab d.o.o.*, koja se javlja svojstvu organizatora Festivala iz tačke 1. ovog Zaključka, putem posebnog ugovora regulira međusobna prava i obaveza, uz obavezu pune neograničene i solidarne odgovornosti, kao i osiguranja bezbjednosti za posjetioce, objekte i inventare u okviru vanjskog kruga Kampusa Univerziteta u Sarajevu u smislu svih rizika koji mogu nastupiti.
3. Oslanjajući se na Plan sigurnosti dostavljen od strane organizatora Festivala iz tačke 1. ovog Zaključka, a u cilju osiguranja bezbjednosti posjetioca i prostora, zadužuje se organizator da poveća broj zaštitara na ukupan broj od 100 zaštitara.
4. Zadužuje se organizator Festivala iz tačke 1. ovog Zaključka da u slučaju nastanka materijalnih i/ili drugih eventualnih šteta, Univerzitetu u Sarajevu nadoknadi prouzrokovanu štetu u roku ne dužem od 30 dana od nastanka iste.
5. Daje se preporuka organizatoru Festivala iz tačke 1. ovog Zaključka da prilikom kupovine ulaznica svi studenti Univerziteta u Sarajevu, uz predočenje indeksa, ostvare popust od 40%.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Direktorici Direkcije za izgradnju i održavanje Kampusa Univerziteta u Sarajevu
- Organizatoru *Garden of Dreams Festivala* Agenciji *Ideas Business Lab d.o.o.*, putem Direkcije za izgradnju i održavanje Kampusa Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-15-3/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu sa pratećim izmjenama i dopunama i člana 37. stav (1) Poslovnika o radu Upravnog odbora Univerziteta u Sarajevu, na prijedlog rektora Univerziteta u Sarajevu, Upravni odbor Univerziteta u Sarajevu na 15. redovnoj sjednici održanoj dana 10. 05. 2023. godine, donio je *s l j e d e ć u*

O D L U K U**I**

Usvaja se izmjena člana 4. Okvirnog sporazuma o nabavci usluga štampanja broj: 0101-6240-10/22 od 17. 10. 2022. godine zaključenog sa ponuđačem Štamparija Fojnica d.d. Fojnica, Prokoški put bb 71270 Fojnica, u dijelu kojim se definiše maksimalna cijena Okvirnog sporazuma na način da se maksimalna cijena Okvirnog sporazuma povećava za 30 % odnosno na iznos od 848.598,96 KM.

II

Daje se ovlaštenje rektoru Univerziteta u Sarajevu da zaključi izmjenu Okvirnog sporazuma o nabavci usluga štampanja broj: 0101-6240-10/22 od 17. 10. 2022. godine iz tačke I ove Odluke, te potpisuje finansijsku dokumentaciju u cilju realizacije okvirnog sporazuma i poštivanja ugovorenih obaveza.

III

Ova Odluka stupa na snagu danom donošenja.

O b r a z l o ž e n j e

Univerzitet u Sarajevu zaključio je Okvirni sporazum o nabavci usluga štampanja broj: 0101-6240-10/22 dana 17. 10. 2022. godine sa ponuđačem Štamparija Fojnica d.d. Fojnica, Prokoški put bb 71270 Fojnica, a nakon Odluke Upravnog odbora broj: 02-20-3/22 od 22. 09. 2022. godine kojom je odobreno povećanje iznosa i raspodjela dodatnih novčanih sredstava u postupku javne nabavke Usluga štampanja sa iznosa ukupne procijenjene vrijednosti od 476.655,00 KM (na iznos od 530.374,35 KM).

Dana 17. 04. 2023. godine Univerzitet u Sarajevu zaprimio je od ponuđača Štamparija Fojnica d.d. Fojnica, Prokoški put bb 71270 Fojnica akt kojim se traži saglasnost Univerziteta u Sarajevu za izmjenu Okvirnog sporazuma na način da se izvrši korekcija odnosno povećanje cijene

Okvirnog sporazuma za 30%, iz razloga što je nakon zaključenja istog, u posljednjih nekoliko mjeseci, usljed promjene stanja na svjetskom i lokalnom tržištu svih energenata, repro materijala i sl., došlo do enormnog povećanja cijena svih sirovina, što je za posljedicu imalo povećanje cijena proizvoda na tržištu, pa su time porasli konkretno i troškovi štampanja.

Stupanjem na snagu Zakona o izmjenama i dopunama Zakona o javnim nabavkama ("Službeni glasnik BiH", broj 59/22) dana 10. 09. 2022. godine odmah je počela primjena odredbi člana 33. ovog Zakona, kojim se član 75. Zakona o javnim nabavkama dopunjuje stavovima (5) do (13), koji se tiču izmjene ugovora i okvirnih sporazuma. S tim u vezi, članom 75. stav (5) propisano je sljedeće:

Izuzetno od odredbi člana 72. stav (5) ovog zakona, ugovor o javnoj nabavci može se izmijeniti tokom njegovog trajanja bez provođenja novog postupka javne nabavke ako su kumulativno ispunjeni sljedeći uslovi:

- a) do potrebe za izmjenom došlo je zbog okolnosti koje pažljiv i savjestan ugovorni organ nije mogao predvidjeti;*
- b) izmjenom se ne mijenja cjelokupna priroda ugovora;*
- c) svako povećanje cijene nije veće od 30% vrijednosti prvobitnog ugovora i ne može imati za cilj izbjegavanje primjene ovog zakona.*

Ovdje se naglašava i činjenica da je članom 75. ovog Zakona, uz ostale stavove i uslove koji moraju biti ispunjeni, propisano i:

(6) Izmjena ugovora u smislu stava (5) ovog člana nije moguća ako je riječ o povećanju cijena do 5% vrijednosti prvobitnog ugovora robe i usluga, odnosno do 10% vrijednosti prvobitnog ugovora o javnoj nabavci radova.

(7) Izmjena cijena može se zahtijevati samo za razliku u cijeni koja prelazi 5% odnosno 10%, osim ako je do povećanja cijena došlo poslije dobavljačevog dolaska u docnju.

(11) U procesu izmjene ugovora ugovorni organ mora osigurati dokaze, u pisanoj formi, koji potvrđuju postojanje činjenica i okolnosti iz stava (5) ovog člana, na osnovu kojih je izvršena izmjena ugovora.

(12) Odredbe st. od (5) do (11) ovog člana na odgovarajući način primjenjuju se i na izmjene okvirnog sporazuma tokom njegovog trajanja.

(13) Odredbe st. od (5) do (12) ovog člana primjenjuju se na sve ugovore o javnoj nabavci /okvirne sporazume, čije trajanje i realizacija je u toku, kao i na sve buduće ugovore o javnoj nabavci/okvirne sporazume, koji će biti zaključeni nakon provedenih postupaka javnih nabavki.

U vezi sa prethodno navedenim, odredbe člana 75. stav (5) do (13) Zakona o javnim nabavkama ("Službeni glasnik BiH" broj: 39/14 i 59/22) primjenjive su i na ugovore i na okvirne sporazume (uključujući i one u kojima je ugovorena nepromjenjiva cijena), čiji su trajanje i realizacija u toku, ukoliko su, naravno, ispunjeni naprijed navedeni kumulativni uslovi.

U pogledu ispunjenosti uslova iz člana 72. stav (5) tačka a) jasno je da ugovorni organ nije mogao predvidjeti okolnosti uslijed kojih je došlo do kretanja cijena na tržištu. Prema dokazima koje je dostavio ponuđač vidljivo je da je do porasta cijena materijala došlo nakon zaključenja okvirnog sporazuma, te da se u novonastalim okolnostima našao i sam ponuđač. Također, ispunjen je i drugi kumulativni uslov iz člana 72. stav (5) tačka b), a to je da izmjenom Okvirnog sporazum o

3/4

nabavci usluga štampanja ne bi došlo do mijenjanja cjelokupne prirode Okvirnog sporazuma. Naime, promjena bi nastala isključivo u cijenama stavki za koje ponuđač dostavi novu kalkulaciju cijena, usklađenih sa promjenama na tržištu, a u skladu sa kojim bi se utvrdila i izmjena ukupne vrijednosti Okvirnog sporazuma.

Štamparija Fojnica d.d. Fojnica je kao dokaz dostavila fakture dobavljača iz kojih je vidljivo povećanje cijene artikla u odnosu na prethodnu godinu kao i dopis svog dobavljača grafičkog materijala Europapier-Hercegtisak d.o.o. kojim su upoznati sa trendom porasta cijena ali i produžetka rokova isporuke te nedostatku pojedinih roba grafičkog repromaterijala, a u kojem se ističe da kao glavni razlog za nastavak trenda poskupljenja, tvornice navode daljnje povećanje troškova sirovina, logističkih kapaciteta i energije, koje je dodatno pogoršano Rusko-Ukrajinskim sukobom. Navedeno je i da se poskupljenja odnose na nepremazne ofsetne papire, premazne papire – kunstdruck, samokopirajući papir NCR rola/arak, samoljepljivi papiri rola/arak, termo papire, kartone – GC, GD, GT i ljepenke, kao i da su poskupljenja od 10%-30% ovisno o pojedinoj grupi.

Ponuđač je upoznat da se cijene pojedinačnih stavki unutar ugovora mogu mijenjati različito, i/ili neke stavke da ostaju neizmijenjene, dok god je ispoštovan uslov da zbirno/ukupno povećanje cijene nije veće od 30% vrijednosti prvobitnog okvirnog sporazuma, te mu je u skladu sa tim traženo da napravi novu kalkulaciju cijena po stavkama.

U obzir je uzeto i da je do isteka Okvirnog sporazuma preostalo dva mjeseca, jer je isti zaključen do 30. 06. 2023. godine, kao i da je do sada na pojedinačne ugovore unutar Okvirnog sporazuma potrošena 91.349,80 KM.


S obzirom da su ispunjeni zakonski uslovi za izmjenu okvirnog sporazuma, te uzevši u obzir sve naprijed navedeno, donesena je Odluka kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor
- Predsjedniku i članovima Upravnog odbora
- Izvršnom direktoru
- Generalnom sekretaru
- Službi za računovodstvo i finansije UNSA
- Službi za javne nabavke UNSA
- Službi za plan i analizu UNSA
- U dokumentaciju Upravnog odbora
- a/a



Handwritten signature in blue ink.

**-UPRAVNI ODBOR-**

Broj: 02-15-4/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu, člana 37. stav (1) Poslovnika o radu Upravnog odbora Univerziteta u Sarajevu, a u vezi sa Zahtjevom Univerziteta u Sarajevu – Instituta za genetičko inženjerstvo i biotehnologiju za finansijsku podršku u realizaciji projekata pod nazivom „*Adaptacija prostora za smještaj Genome/Protein Data Analysis Center*“ u okviru Laboratorije za bioinformatiku i biostatistiku Instituta za genetičko inženjerstvo i biotehnologiju“ broj 59-1/23 od 10. 02. 2023. godine i Očitovanjem prorektora za finansije Univerziteta u Sarajevu broj: 0101-1618-1/23 od 04. 05. 2023. godine, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, *donio*

ODLUKU**I**

Daje se **saglasnost** Univerzitetu u Sarajevu (Rektoratu) za sufinansiranje realizacije projekata Univerziteta u Sarajevu – Instituta za genetičko inženjerstvo i biotehnologiju pod nazivom „*Adaptacija prostora za smještaj Genome/Protein Data Analysis Center*“ u okviru Laboratorije za bioinformatiku i biostatistiku Instituta za genetičko inženjerstvo i biotehnologiju“ u iznosu od 50.000,00 KM (slovima: pedesethiljada konvertibilnih maraka).

II

Sufinansiranje sredstava iz tačke I ove Odluke vrši se iz vlastitih prihoda Univerziteta u Sarajevu (Rektorata).

III

Ova Odluka stupa na snagu danom donošenja.

Obrazloženje


Upravnom odboru Univerziteta u Sarajevu je dostavljeno Očitovanje prorektora za finansije Univerziteta u Sarajevu broj: 0101-1618-1/23 od 04. 05. 2023. godine, a u vezi sa podnesenim Zahtjevom Univerziteta u Sarajevu – Instituta za genetičko inženjerstvo i biotehnologiju za finansijsku podršku u realizaciji projekata pod nazivom „*Adaptacija prostora za smještaj Genome/Protein Data Analysis Center*“ u okviru Laboratorije za bioinformatiku i biostatistiku Instituta za genetičko inženjerstvo i biotehnologiju“ broj 59-1/23 od 10. 02. 2023. godine. S tim u vezi, Univerzitet u Sarajevu (Rektorat) cijeni da u

odnosu na sadržaj i namjenu ovog projekta je potrebno iz vlastitih sredstava pružiti podršku u realizaciji ovog istog u iznosu od 50.000, KM i da Univerzitet u Sarajevu – Institut za genetičko inženjerstvo i biotehnologiju putem zajedničke nabavke izvrši realizaciju ovog projekta.

Razmatrajući navedeno, donosi se odluka kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor Univerziteta u Sarajevu
- Prorektor za finansije Univerziteta u Sarajevu
- Univerzitetu u Sarajevu – Institutu za genetičko inženjerstvo i biotehnologiju
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-15-5/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, a u vezi sa Odlukom Vijeća Univerziteta u Sarajevu – Veterinarskog fakulteta broj: 05-09-222-2/23 od 10. 04. 2023. godine, Upravni odbor Univerziteta u Sarajevu je na 15. redovnoj sjednici, održanoj dana 10. 05. 2023. godine, donio *s l j e d e ć u*

O D L U K U**I**

Daje se **saglasnost** na izmjene i dopune Cjenovnika usluga Univerziteta u Sarajevu – Veterinarskog fakulteta, koji je utvrđen Odlukom Vijeća Univerziteta u Sarajevu – Veterinarskog fakulteta broj: 05-09-230-5/19 od 21. 06. 2019. godine.

II

Dopuna Cjenovnika iz tačke I ove Odluke vrši se na način i u dijelu utvrđenom Odlukom Vijeća Univerziteta u Sarajevu – Veterinarskog fakulteta broj: 05-09-222-2/23 od 10. 04. 2023. godine, a koja čini sastavni dio ove Odluke.

III

U ostalom dijelu Cjenovnik iz tačke I ove Odluke ostaje nepromijenjen i u svemu se odgovarajuće primjenjuje.

IV

Ova Odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je dostavljena na davanje saglasnosti izmjene i dopune Cjenovnika usluga Univerziteta u Sarajevu – Veterinarskog fakulteta, koji je utvrđen Odlukom Vijeća Univerziteta u Sarajevu – Veterinarskog fakulteta broj: 05-09-230-5/19 od 21. 06. 2019. godine.


Vijeće Univerziteta u Sarajevu – Veterinarskog fakulteta na sjednici održanoj 10. 04. 2023. godine utvrdilo je prijedlog dopune Cjenovnik usluga i isti uputilo Upravnom odboru Univerziteta u Sarajevu radi pribavljanja prethodne saglasnosti.

Dopuna Cjenovnika usluga vrši se na način i u dijelu utvrđenom Odlukom Vijeća Univerziteta u Sarajevu – Veterinarskog fakulteta broj: 05-09-222-2/23 od 10. 04. 2023. godine, a u ostalom dijelu Cjenovnik usluga ostaje nepromijenjen i u svemu se odgovarajuće primjenjuje.

Imajući u vidu naprijed navedeno, Upravni odbor Univerziteta u Sarajevu je donio odluku kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor Univerziteta u Sarajevu
- Univerzitetu u Sarajevu - Veterinarskom fakultetu
- ☞ - Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za računovodstvo i finansije Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

7/14

**-UPRAVNI ODBOR-**

Broj: 02-15-6/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu, člana 37. stav (1) Poslovnika o radu Upravnog odbora Univerziteta u Sarajevu, a u vezi sa Odlukom Vijeća Univerziteta u Sarajevu – Stomatološkog fakulteta sa stomatološkim kliničkim centrom broj: 01-4-2-18-3/2023 od 03. 04. 2023. godine i Odlukom Senata Univerziteta u Sarajevu broj: 01-12-28/19 od 06. 05. 2019. godine kojom se usvaja Elaborat necikličnog studija pod nazivom *Dental implants from basic to advance*, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, donio

ODLUKU**I**

Utvrđuje se cijena/visina školarine necikličnih studijskih programa koji se izvode na Univerzitetu u Sarajevu – Stomatološkom fakultetu sa stomatološkim kliničkim centrom u iznosu od 1.000,00 eura.

II

Cijena/visina školarine za neciklični studijski program *Dental implants from basic to advance* mijenja sa dosadašnjih 500,00 eura na 1.000,00 eura.

III

Ova Odluka stupa na snagu danom donošenja.

Obrazloženje

Upravnom odboru je radi utvrđivanja cijene necikličnih studijskih programa koji se izvode na Univerzitetu u Sarajevu – Stomatološkom fakultetu sa stomatološkim kliničkim centrom dostavljena Odluka Vijeća Univerziteta u Sarajevu – Stomatološkog fakulteta sa stomatološkim kliničkim centrom broj: 01-4-2-18-3/2023 od 03. 04. 2023. godine kojom se usvaja prijedlog cijene necikličnih studija u iznosu od 1.000,00 eura i kojom se cijena/visina školarine za neciklični studijski program *Dental implants from basic to advance* mijenja sa dosadašnjih 500,00 eura na 1.000,00 eura, koji je utvrđen Odlukom Senata Univerziteta u Sarajevu broj: 01-12-28/19 od 06. 05. 2019. godine

Na osnovu naprijed navedenog, odlučeno je kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Univerzitetu u Sarajevu – Stomatološkom fakultetu sa stomatološkim kliničkim centrom
- Ministarstvu za nauku, visoko obrazovanje i mlade KS, putem Službe za nastavu UNSA
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

RM

**-UPRAVNI ODBOR-**

Broj: 02-15-7/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu, člana 37. stav (1) Poslovnika o radu Upravnog odbora Univerziteta u Sarajevu, a u vezi sa Aktom Univerziteta u Sarajevu – Stomatološkog fakulteta sa stomatološkim kliničkim centrom broj: 01-3-9-7-1/23 od 12. 04. 2023. godine, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, *donio*

ODLUKU**I**

Daje se *saglasnost* Univerzitetu u Sarajevu – Stomatološkom fakultetu sa stomatološkim kliničkim centrom za donaciju dvije stomatološke stolice JZU „Dom zdravlja“ Jablanica, ukoliko su za istu ispunjeni uvjeti, na način i prema postupku utvrđenom Pravilnikom o kriterijima za rashodovanje, otpis, knjiženje viškova i manjkova stalnih sredstava i sitnog inventara, te javnom nadmetanju putem licitacije i aukcije Univerziteta u Sarajevu i drugim relevantnim zapisima.

II

Ova Odluka stupa na snagu danom donošenja.

Obrazloženje

Upravnom odboru Univerziteta u Sarajevu je dana 12. 04. 2023. godine, posredstvom Univerziteta u Sarajevu – Stomatološkog fakulteta sa stomatološkim kliničkim centrom, dostavljena na dalje odlučivanje Molba Ministarstva zdravstva Kantona Sarajevo broj: 10-33-90771/23 od 06. 04. 2023. godine, a u vezi sa Zahtjevom načelnika Općine Jablanica za pomoć u nabavci dvije stomatološke stolice za potrebe Stomatološke službe u okviru JZU „Dom zdravlja“ Jablanica.

Razmatrajući navedene zahtjeve, a oslonom na postupak rashodovanja stalnih sredstava članica Univerziteta u Sarajevu za koji se vezuje i donacija (ustupanje bez naknade) utvrđen Pravilnikom o kriterijima za rashodovanje, otpis, knjiženje viškova i manjkova stalnih sredstava i sitnog inventara, te javnom nadmetanju putem licitacije i aukcije Univerziteta u Sarajevu, donosi se odluka kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Univerzitetu u Sarajevu – Stomatološkom fakultetu sa stomatološkim kliničkim centrom
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-15-8/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, razmatrajući Prigovor Gadžo Farisa na Odluku o prijemu u radni odnos Dekana Univerziteta u Sarajevu – Mašinskog fakulteta, broj: 06-VL-850/23 od 08. 03. 2023. godine, Upravni odbor Univerziteta u Sarajevu je, na svojoj 15. redovnoj sjednici, održanoj dana 10. 05. 2023. godine *d o n i o*

O D L U K U**I**

Prigovor Gadžo Farisa na Odluku o prijemu u radni odnos Dekana Univerziteta u Sarajevu – Mašinskog fakulteta, broj: 06-VL-850/23 od 08. 03. 2023. godine, ***odbija se kao neosnovan.***

II

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je dana 20. 03. 2023. godine dostavljen Prigovor Gadžo Farisa (u daljem tekstu: Podnosilac Prigovora) na Odluku o prijemu u radni odnos Dekana Univerziteta u Sarajevu – Mašinskog fakulteta, broj: 06-VL-850/23 od 08. 03. 2023. godine (u daljem tekstu: *Odluka*), kojom se u radni odnos prima Adisa Dževlan na neodređeno vrijeme, sa obaveznim probnim radom u trajanju od 1 (jednog) mjeseca, za obavljanje poslova u opisu radnog mjesta Knjižničar.

Razmatrajući podneseni Prigovor, drugostepeni organ je cijenio:

- a. Da li su u postupku prijema u radni odnos pravilno primijenjena pravila utvrđena zakonskim propisima i općim aktima Univerziteta,
- b. Da li su potpuno i tačno utvrđene činjenice,
- c. Da li su pravilno primijenjeni izvori prava.

Podnosilac Prigovora u svom podnesku navodi da je uvidom u Listu uspješnih kandidata (sa bodovima), koja mu je dostavljena nakon provedene konkursne procedure za prijeme u radni odnos na radno mjesto – Knjižničar – 1 (jedan) izvršilac, na neodređeno vrijeme, utvrdio da je kao drugo rangirani na toj Listi oštećen načinom bodovanja na usmenom dijelu ispita, te da iz tog razloga ulaže predmetni Prigovor na rad Komisije imenovane za provođenje konkursne procedure i bodovanje kandidata na usmenom dijelu ispita.

Podnosilac Prigovora još navodi i to da je pored dokumentacije koju je obavezan bio dostaviti po tekstu Javnog oglasa, dostavio i dodatnu dokumentaciju koja je trebala biti dodatno bodovana i to:

- a. Diploma o završenom Filozofskom fakultetu Univerziteta u Sarajevu, smjer – bibliotekarstvo,
- b. potvrde o radnom stažu: 1 godina radnog staža u srednjoj Tekstilnoj školi i 3,5 godine na Veterinarskom fakultetu u Sarajevu,
- c. potvrda o položenom stručnom ispitu,
- d. potvrda o certifikatu o završenoj obuci COBBIS.BA – kooperativnog online bibliografskog sistema,
- e. potvrda o poznavanju stranog jezika i rada na računaru, rad na stručnom časopisu u bazi podataka SCOPUS.

Podnosilac Prigovora predlaže Upravnom odboru da razmotri predmeti Prigovor, te da u okviru svog postupanja zatraži očitovanje od supervizora koji je pratio provođenje procedure, kao i očitovanje Komisije imenovane za provođenje procedure prijema u radni odnos, na osnovu kojih referenci i činjenica je bodovala prvo rangiranog i drugo rangiranog kandidata na usmenom dijelu ispita, te na koji način je izvršila bodovanje na osnovu člana 19. Uredbe o postupku prijema u radni odnos u javnom sektoru na teritorij Kantona Sarajevo, jer su u konkretnom slučaju po tom osnovu Podnosiocu Prigovora pripadali dodatni bodovi jer su mu oba roditelja demobilisani borci.

S obzirom da je predmetni Prigovor upućen neposredno drugostepenom organu – Upravnom odboru Univerziteta u Sarajevu, drugostepeni organ je isti vratio prvostepenom organu – Univerzitetu u Sarajevu – Mašinskom fakultetu, radi preispitivanja pobijane Odluke.

S tim u vezi, prvostepeni organ je dana 20. 03. 2023. godine dostavio Izjašnjenje po podnesenom Prigovoru Gadžo Farisa na Obavijest Dekana Univerziteta u Sarajevu – Mašinskog fakulteta o prijemu u radni odnos *Knjižničar* – 1 (jedan) izvršilac, na neodređeno vrijeme, broj: 06-VL-954/23 od 20. 03. 2023. godine (u daljem tekstu: Izjašnjenje), uz predmetni Prigovor i prateće akte.

Prvostepeni organ je između ostalog u svom Izjašnjenju u odnosu na navode iz Prigovora, istakao sljedeće:

- Da je Komisija za provođenje procedure prijema u radni odnos nadležna da izvrši bodovanje kandidata prema rezultatima postignutim na ispitima u okviru izbornog procesa.
- Da su navodi podnosioca Prigovora da je kao kandidat trebao dobiti više bodova na usmenom dijelu ispita od strane Komisije, zbog priložene dodatne dokumentacije neosnovani, jer dostavljena dodatna dokumentacija ili nije bila osnov odnosno uslov za radno mjesto za koje je raspisan Javni oglas ili je bila jedan od obaveznih dokumenata traženih tekstom Javnog oglasa, te samim tim i dokaza da kandidat ispunjava uslove za

predmetno radno mjesto, što se vrednuje kod urednosti i potpunosti dostavljene dokumentacije.

- Da je Komisija nakon završenog pismenog i usmenog ispita/intervjua, utvrdila broj bodova za svakog kandidata, te da su kandidatima u ovisnosti od pripadnosti nekoj od kategorija boračke populacije dodijeljeni i dodatni bodovi (uključujući podnosioca Prigovora – maksimalnih 20%), tako da se na ukupan broj prethodno ostvarenih bodova (pismeni i usmeni) dodaje procenat od istih, prema odredbi člana 6. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, br. 37/20 i 27/21).

S obzirom da je Prigovor Podnositelja formalno pravno ispravan (blagovremen, podnesen od strane ovlaštene osobe i potpun), Upravni odbor je činjenice rezimirao na sljedeći način:

Univerzitet u Sarajevu – Mašinski fakultet je raspisao Javni oglas za prijem u radni odnos – Knjižničar – 1 (jedan) izvršilac, na neodređeno vrijeme. Javnim oglasom, a u skladu sa Pravilnikom o unutrašnjoj organizaciji i sistematizaciji radnih mjesta Mašinskog fakulteta Univerziteta u Sarajevu, pored opštih utvrđeni su i posebni uslovi, kako slijedi:

- a) SSS/IV stepen;
- b) Iskustvo u trajanju od 3 (tri) mjeseca na istim ili sličnim poslovima;
- c) Dodatna znanja – poznavanje rada na računaru.
- d) Probni rad u trajanju od 1 (jednog) mjeseca.

U pogledu navoda iz Prigovora, koji se odnose na to da je Podnosilac Prigovora trebao ostvariti dodatne bodove na osnovu dodatne dokumentacije koju je dostavio uz Prijavu na Javni oglas, Upravni odbor konstatira sljedeće:

- a) Da Diploma o završenom Filozofskom fakultetu Univerziteta u Sarajevu – smjer bibliotekarstvo, nije bila jedan od posebnih uslova propisanih za to radno mjesto i da je uslov za to radno mjesto završena SSS/IV stepen.
- b) Da je tekstom Javnog oglasa – u dijelu obavezna dokumentacija koju dostavljaju kandidati za prijavu na javni oglas, traženo da se dostavi dokaz o radnom iskustvu na istim ili sličnim poslovima (potvrda poslodavca kod kojeg je kandidat radio ili radi, sa obaveznom naznakom poslova koje je obavljao i stručnoj spremi sa kojom je obavljao navedene poslove, i naznakom ukoliko je kandidat zaposlen na određeno vrijeme), uvjerenje o radnom stažu izdato od Federalnog zavoda za penzijsko i invalidsko osiguranje/Porezne uprave o radnom stažu i dokaz o poznavanju rada na računaru (certifikat ili diploma iz kojih je vidljivo da kandidat poznaje rad na računaru). Stoga je naznačenu dokumentaciju bilo neophodno dostavi kako bi kandidat dokazao da ispuvanja uslove propisane Pravilnikom o unutrašnjoj organizaciji i sistematizaciji radnih mjesta Univerziteta u Sarajevu – Mašinskog fakulteta i tekstom Javnog oglasa.
- c) U pogledu ispravnosti procedure, Upravni odbor naznačava da je od strane Ureda za borbu protiv korupcije i upravljanje kvalitetom Kantona Sarajevo imenovan supervizor, koji ima nadležnost i dužnost da prati pravilnu primjenu odredbi Uredbe o postupku

prijema u radni odnos u javnom sektoru na teritorij Kantona Sarajevo, prilikom provođenja postupka javnog oglašavanja za prijem u radni odnos i da dostavi informaciju Uredu u slučaju da uoči određene nepravilnosti. Stoga Upravni odbor nema mogućnost ni nadležnost da vrši provjeru rada supervizora, kojeg imenuje Ured kao neutralno tijelo određeno predmetnom Uredbom da prati ispravnost procedure.

- d) Upravni odbor konstatira i to da je Komisija imenovana za provođenje postupka prijema u radni odnos, svoj način rada uredila Poslovníkom o radu komisije, a između ostalog i način na koji će se provesti ispit i izvršit bodovanje kandidata. Stoga je prema važećim propisima, utvrđena Lista uspješnih kandidata prema broju ostvarenih bodova na pismenom i usmenom ispitu i utvrđene prednosti po osnovu posebnih propisa iz člana 19. Uredbe o postupku prijema u radni odnos u javnom sektoru na teritorij Kantona Sarajevo, tako da je na ukupan broj prethodno ostvarenih bodova tokom pismenog i usmenog ispita dodat procenat boračkim kategorijama koje su dokazale svoje pravo, prema odredbi člana 6. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, br. 37/20 i 27/21).


S tim u vezi, Upravni odbor Univerziteta u Sarajevu u konačnici konstatira da je prvostepeno tijelo, dekan Univerziteta u Sarajevu – Mašinskog fakulteta donoseći Odluku o prijemu u radni odnos, broj: 06-VL-850/23 od 08. 03. 2023. godine, istu donio u skladu sa pozitivno-pravnim propisima.

S obzirom na naprijed naznačeno, Upravni odbor Univerziteta u Sarajevu odlučio je kao u dispozitivu.

Pouka o pravnom lijeku:

Ova Odluka je konačna i protiv iste se može podnijeti tužba pred nadležnim sudom u roku od 30 dana od dana prijema ove Odluke.

**PREDSJEDNIK
UPRAVNOG ODBORA**
Dr. sc. Murat Ramadanović



Dostaviti:

- Podnositelju prigovora, putem članice Univerziteta u Sarajevu (na adresu ul. Sumbul Česma br. 56, 71000, Sarajevo)
- Univerzitetu u Sarajevu – Šumarskom fakultetu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Arhiva

**-UPRAVNI ODBOR-**

Broj: 02-15-9/23

Sarajevo, 10. 05. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, razmatrajući Prigovor Tufe Ćorovića na Odluku o prijemu u radni odnos Dekana Univerziteta u Sarajevu – Mašinskog fakulteta, broj: 06-VL-851/23 od 08. 03. 2023. godine, Upravni odbor Univerziteta u Sarajevu je, na svojoj 15. redovnoj sjednici, održanoj dana 10. 05. 2023. godine *d o n i o*

O D L U K U**I**

Prigovor Tufe Ćorovića na Odluku o prijemu u radni odnos Dekana Univerziteta u Sarajevu – Mašinskog fakulteta, broj: 06-VL-851/23 od 08. 03. 2023. godine, ***odbija se kao neosnovan.***

II

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je dana 20. 03. 2023. godine dostavljen Prigovor Tufe Ćorovića (u daljem tekstu: Podnosilac Prigovora) na Odluku o prijemu u radni odnos Dekana Univerziteta u Sarajevu – Mašinskog fakulteta, broj: 06-VL-851/23 od 08. 03. 2023. godine (u daljem tekstu: *Odluka*), kojom se u radni odnos prima Nedim Avdispahić na neodređeno vrijeme, sa obaveznim probnim radom u trajanju od 1 (jednog) mjeseca, za obavljanje poslova u opisu radnog mjesta Referent – portir.

Razmatrajući podneseni Prigovor, drugostepeni organ je cijenio:

- a. Da li su u postupku prijema u radni odnos pravilno primijenjena pravila utvrđena zakonskim propisima i općim aktima Univerziteta,
- b. Da li su potpuno i tačno utvrđene činjenice,
- c. Da li su pravilno primijenjeni izvori prava.

Podnosilac Prigovora u svom podnesku navodi da je tokom procedure prijema u radni odnos, odnosno na pismenom i usmenom dijelu ispita pokazao izvrsno znanje.

Da je kandidatima (prva dva kandidata s Liste uspješnih kandidata) data prednost bez osnova i dodatni bodovi prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20 i 27/21), jer navedena

Uredba nije više na snazi, odnosno ista je donesena na osnovu Zakona o dopunskim pravima boraca – branitelja BiH („Službene novine Kantona Sarajevo“, br. 45/12, 26/14, 46/17, 18/19 i 20/20), koji je stavljen van snage.

S obzirom da je Skupština Kantona Sarajevo, dana 27. 07. 2022. godine usvojila novi Zakon o dopunskim pravima boraca – branitelja BiH, koji je objavljen u „Službenim novinama Kantona Sarajevo“, broj: 31/22, dana 04. 08. 2022. godine (koji je stupio na snagu i koji se primjenjuje od 12. 08. 2022. godine).

S tim u vezi, podnosilac Prigovora ističe da je neopravdano rangiran na 3 (treće) mjesto sa 96,67 bodova i da se u konkretnom slučaju postupilo nezakonito.

S obzirom da je predmetni Prigovor upućen neposredno drugostepenom organu – Upravnom odboru Univerziteta u Sarajevu, drugostepeni organ je isti vratio prvostepenom organu – Univerzitetu u Sarajevu – Mašinskom fakultetu radi preispitivanja pobijane Odluke.

S tim u vezi, prvostepeni organ je dana 24. 03. 2023. godine dostavio Izjašnjenje po podnesenom Prigovoru Tufe Ćorovića na Obavijest Dekana Univerziteta u Sarajevu – Mašinskog fakulteta o prijemu u radni odnos *Referenta – portira – 1* (jedan) izvršilac, na neodređeno vrijeme, broj: 06-VL-998/23 od 23. 03. 2023. godine (u daljem tekstu: Izjašnjenje), uz predmetni Prigovor i prateće akte.

Prvostupanjski organ je između ostalog u svom Izjašnjenju istakao sljedeće:

- Da je Komisija imenovana za provođenje procedure prijema u radni odnos postupala u skladu sa utvrđenom obavezom iz člana 19. Uredbe o postupku prijema u radni odnos u javnom sektoru na teritoriji Kantona Sarajevo, kojom je utvrđeno ***da je prilikom zapošljavanja potrebno dati prednost kandidatima koji po posebnim propisima imaju prioritet u zapošljavanju.***
- Da je nesporna činjenica da je podnosilac Prigovora osvojio 60 bodova, na pismenom ispitu i da je kao kandidat najbolje ocijenjen od Komisije i na usmenom ispitu, ali da je nakon završenog pismenog i usmenog ispita/intervjua, Komisija utvrdila bodove za svakog od kandidata.
- Bodovi su utvrđeni na način da su kandidatima u zavisnosti od pripadnosti nekoj od kategorija boračke populacije, dodati i dodatni bodovi (uključujući prvorangiranog i drugorangiranog kandidata) na ukupan broj prethodno ostvarenih bodova (na pismenom i usmenom dijelu ispita), prema procentu za pripadnost određenoj boračkoj kategoriji shodno odredbi člana 6. Uredbe o jedinstvenim kriterijima i pravilima za zapošljavanje boraca i članova njihovih porodica u institucijama u Kantonu Sarajevo, gradu Sarajevu i općinama u Kantonu Sarajevu.

Obzirom da je Prigovor Podnosioca formalno pravno ispravan (blagovremen, podnesen od strane ovlaštene osobe i potpun), Upravni odbor je činjenice rezimirao na sljedeći način:

- Članom 23. Zakona o dopunskim pravima boraca – branitelja Bosne i Hercegovine („Službene novine Kantona Sarajevo“, broj: 31/22) – (u daljem tekstu: Zakon) utvrđeno je

da Vlada Kantona Sarajevo posebnim propisima uređuje jedinstvene uvjete, kriterije i pravila utvrđivanja prednosti pri zapošljavanju kategorija koji po tom Zakonu ostvaruju to pravo, te propisuje kaznene odredbe za subjekte koji su po tom Zakonu ne poštuju odredbe ostvarivanja prednosti pri zapošljavanju lica obuhvaćenih Zakonom.

- Uvažavajući činjenicu da je stupio na snagu novi Zakon o dopunskim pravima boraca – branitelja Bosne i Hercegovine, a da nakon stupanja na snagu tog Zakona nije donesen propis niže pravne snage kojim će se utvrditi uvjeti/kriteriji pod kojima će se dati prednost boračkim kategorijama, prvostepeni organ odnosno Komisija za provođenje procedure prijema u radni odnos je primijenila Uredbu o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20 i 27/21) – (u daljem tekstu: Uredba o jedinstvenim kriterijima i pravilima za zapošljavanje branilaca i njihovih porodica) s obzirom da odredbe u tom dijelu nisu u koliziji sa odredbama Zakona, a jedini su propis koji bliže utvrđuje uvjete/kriterije.
- S tim u vezi, Prvostepeni organ odnosno imenovana Komisija za provođenje prijema u radni odnos je prethodno konsultirala nadležne institucije – Ministarstvo za boračka pitanja Kantona Sarajevo, koje su zadužene za osiguranje i sprovođenje zakonskih i podzakonskih propisa iz date oblasti, kako bi se osigurala adekvatna primjena i zaštita prava. Ministarstva za boračka pitanja Kantona Sarajevo dalo je svoj stav/objašnjenje o primjeni Uredbe o jedinstvenim kriterijima i pravilima za zapošljavanje branilaca i članova njihovih porodica, broj: 06-30-45970-1/22 od 14. 11. 2022. godine, koji upućuje na obavezu primjenu propisa kojim će se osigurati prednost licima kojima to po novom Zakonu pripada.


S tim u vezi, Upravni odbor Univerziteta u Sarajevu ističe da je prvostepeno tijelo, dekan Univerziteta u Sarajevu – Mašinskog fakulteta donoseći Odluku o prijemu radni odnos, broj: 06-VL-851/23 od 08. 03. 2023. godine, istu donio u skladu sa pozitivno-pravnim propisima.

S obzirom na naprijed naznačeno, Upravni odbor Univerziteta u Sarajevu odlučio je kao u dispozitivu.

Pouka o pravnom lijeku:

Ova Odluka je konačna i protiv iste se može podnijeti tužba pred nadležnim sudom u roku od 30 dana od dana prijema ove Odluke.

**PREDSJEDNIK
UPRAVNOG ODBORA**
Dr. sc. Murat Ramadanić



Dostaviti:

- Podnosiocu prigovora, putem članice Univerziteta (na adresu ul. Hameda Hodovića br. 60, 71000, Sarajevo)
- Univerzitetu u Sarajevu – Mašinskom fakultetu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Arhiva

**-UPRAVNI ODBOR-**

Broj: 02-15-10/23

Sarajevo, 10. 05. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj 36/22), člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Elektrotehničkog fakulteta o dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 01-944/23 od 03. 04. 2023. godine, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, donio *s l j e d e ċ i*

Z A K L J U Č A K

1. Prima se k znanju Dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Elektrotehničkom fakultetu za studijsku 2022/2023. godinu, utvrđena Odlukom Vijeća Univerziteta u Sarajevu – Elektrotehničkog fakulteta, broj: 01-944/23 od 03. 04. 2023. godine.
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Univerzitetu u Sarajevu – Elektrotehničkom fakultetu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi



**-UPRAVNI ODBOR-**

Broj: 02-15-11/23

Sarajevo, 10. 05. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj 36/22), člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Filozofskog fakulteta o izmjeni i dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 02-01/139 od 06. 04. 2023. godine, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, donio *s l j e d e ć i*

Z A K L J U Č A K

1. Prima se k znanju Izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Filozofskom fakultetu za studijsku 2022/2023. godinu, utvrđena Odlukom Vijeća Univerziteta u Sarajevu – Filozofskog fakulteta, broj: 02-01/139 od 06. 04. 2023. godine.
2. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****Dr. sc. Murat Ramadanović**

Dostaviti:

- Rektor Univerziteta u Sarajevu
- Univerzitetu u Sarajevu – Filozofskom fakultetu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-15-12/23

Sarajevo, 10. 05. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj 36/22), člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Medicinskog fakulteta o izmjeni i dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 01-4-DK-2419/23 od 13. 04. 2023. godine, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, donio *s l j e d e ć i*

Z A K L J U Č A K


1. Prima se k znanju Izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Medicinskom fakultetu za studijsku 2022/2023. godinu, utvrđena Odlukom Vijeća Univerziteta u Sarajevu – Medicinskog fakulteta, broj: 01-4-DK-2419/23 od 13. 04. 2023. godine.
2. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Univerzitetu u Sarajevu – Medicinskom fakultetu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi



**-UPRAVNI ODBOR-**

Broj: 02-15-13/23

Sarajevo, 10. 05. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj 36/22), člana 37. stav (2) Poslovnika o radu Upravnog odbora Univerziteta u Sarajevu, a u vezi sa Odlukom Vijeća Univerziteta u Sarajevu – Muzičke akademije o dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 02-1-237/5-23 od 05. 04. 2023. godine, Upravni odbor Univerziteta u Sarajevu je, na 15. redovnoj sjednici održanoj dana 10. 05. 2023. godine, donio

s l j e d e ć i

ZAKLJUČAK

1. Prima se k znanju Dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Muzičkoj akademiji za studijsku 2022/2023. godinu, utvrđena Odlukom Vijeća Univerziteta u Sarajevu – Muzičke akademije, broj: 02-1-237/5-23 od 05. 04. 2023. godine.
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Univerzitetu u Sarajevu – Muzičkoj akademiji
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

